

EDWARDES, DAVID EDWARD (1832 - 1898), cyfieithydd

Enw: David Edward Edwardes
Dyddiad geni: 1832
Dyddiad marw: 1898
Rhiant: Margaret Edwardes
Rhiant: Edward Edwardes
Rhyw: Gwryw
Galwedigaeth: cyfieithydd
Maes gweithgaredd: Crefydd; Eisteddfod; Ysgolheictod ac leithoedd
Awdur: David Jenkins

Ganwyd 14 Hydref 1832 ym mhlwyf Llanllawddog, Sir Gaerfyrddin, mab Edward a Margaret Edwardes, Rhydargaeau. Yr oedd ei dad yn Ymneilltuwr, ac ef a gadwai siop y pentref. Addysgwyd Edwardes yn lleol, mae'n debyg, cyn iddo fyned i Brifysgol Glasgow, lle y gwnaeth enw iddo'i hun trwy gipio'r wobr flaenaf mewn athroniaeth (moeseg), a'r fedal arian a gwobr mewn athroniaeth (seicoleg). Cymerodd radd M.A. yn 1865. Ei gyfraniad mwyaf sylweddol i ysgolheictod yw ei gyfieithiad o *Alcestis* (Euripides) i Gymraeg. Am hyn rhannodd ef a **David Rowlands** ('Dewi Môn') wobr o £100 yn eisteddfod Aberdâr, 1885. Cyhoeddwyd y ddau gyfieithiad mewn un gyfrol gan Gymdeithas yr Eisteddfod Genedlaethol yn 1887. Bu Edwardes yn gurad yn Nhalacharn 1866-9, Llandeloy 1869-72, Dinas (Penfro) 1872-4, Llanllwchaiarn 1874-5, S. Paul (Llanelli) 1875-7, Begelly 1880-4, a Rudbaxton 1886-8. Ar 22 Hydref 1888 sefydlwyd ef yn rheithor Hodgaston, Sir Benfro, ac yno y treuliodd weddill ei ddyddiau. Bu farw 19 Gorffennaf 1898.

Awdur

Dr David Jenkins, (1912 - 2002)

Ffynonellau

Crockford's Clerical Directory, 1898, 414

llawysgrifau a dogfennau'r Eglwys yng Nghymru yn Ll.G.C.

Yr Alcestis (London 1887) (Euripides), 1887

West Wales Historical Records (1910–29), ii, 206

Dolenni Ychwanegol

Wikidata: [Q20732801](https://www.wikidata.org/wiki/Q20732801)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

